



JABATAN HAL EHWAL AGAMA ISLAM PULAU PINANG

Khutbah Bulan September 2021M/ 1443H

Tajuk:

Memuliakan Ibu Bapa: Tanggungjawab & Cabaran

Tarikh dibaca:

**24 September 2021M /
17 Safar 1443H**

Percetakan dibiayai:



زكاة فولاو فينغ

No. Telefon: 04-549 8088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof Madya Dr Atikullah bin Abdullah**
Pensyarah, Fakulti Ilmu Kemanusiaan, Univerisiti Sains Malaysia
- 3. Ustaz Rosli bin Othman**
Ketua Penolong Pengarah, Bahagian Pendidikan
Jabatan Hal Ehwal Agama Islam Pulau Pinang (JHEAIPP)
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Ketua Penolong Pengarah, Pusat Islam Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)



Memuliakan Ibu Bapa: Tanggungjawab & Cabaran

(24 September 2021M/ 17 Safar 1443H)

الْحَمْدُ لِلَّهِ الَّذِي وَصَّانَا بِرِّ الْوَالِدَيْنِ وَنَهَانَا عَنْ عُقُوبِهِمَا، جَعَلَ سُبْحَانَهُ رِضَاهُ فِي رِضَاهُمَا وَسَخَطُهُ فِي سَخَطِهِمَا، وَأَشْهَدُ أَنْ لَا إِلَهَ إِلَّا اللَّهُ، قَرَنَ شُكْرَهُ بِشُكْرِهِمَا وَأَشْهَدُ أَنَّ مُحَمَّدًا عَبْدَهُ وَرَسُولُهُ أَمَرَ أُمَّتَهُ بِإِحْسَانِهِمَا.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ أَفْضَلِ الْمَخْلُوقِينَ، وَعَلَى آلِهِ وَأَصْحَابِهِ أَجْمَعِينَ. أَمَّا بَعْدُ، فَيَا عِبَادَ اللَّهِ، إِنِّتُوا اللَّهَ، أَوْصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

Sidang Jumaat yang dirahmati Allah sekalian,

Pertama sekali saya menyeru diri saya dan jemaah sekalian agar meningkatkan keimanan dan ketakwaan kepada Allah Taala dengan menjunjung tinggi segala perintah Allah Taala dan meninggalkan segala larangan-Nya.

Sebelum melanjutkan bicara, suka khatib memberi peringatan. Marilah kita tinggalkan perkara lagha yang bertentangan dengan sunnah serta adab, iaitu tindakan yang memesongkan perhatian daripada mendengar khutbah dan isi

kandungannya. Ini termasuklah perbuatan berbual-berbual, tidur dengan sengaja dan bermain telefon bimbit. Bagi melengkapi kewajipan solat Jumaat hari ini, marilah kita menghayati bicara mimbar yang bertajuk: **“Memuliakan Ibu Bapa: Tanggungjawab dan Cabaran.”**

Hadirin sidang Jumaat yang dimuliakan,

Kemuliaan ibu bapa dan darjat ketinggian keduanya telah dinyatakan dalam sebuah hadis yang diriwayatkan oleh Imam al-Bukhari dalam kitabnya Al-Adab Al-Mufrad **الأَدَبُ الْمُفْرَدُ**:

“Suatu hari ketika Nabi ﷺ menaiki anak tangga mimbar, kedengaran Baginda menyebut آمين. Kemudian Nabi menyebut آمين ketika menaiki anak tangga kedua. Begitu juga, sewaktu menaiki anak tangga Ketiga. Para sahabat berkata, “Kami mendengar engkau menyebut آمين sebanyak tiga kali. Nabi ﷺ bersabda: “Ketika menaiki anak tangga pertama, Jibril muncul dan berkata, “Celakalah orang yang bertemu Ramadhan tetapi tidak mendapat keampunan daripada Allah سبحانه وتعالى sebaik sahaja Ramadhan berlalu pergi. Maka aku berkata, آمين. Ketika menaiki tangga kedua, Jibril berkata pula, “Celakalah orang yang sempat hidup bersama ibu bapanya atau salah seorang daripadanya tetapi kebersamaannya dengan ibu bapa tidak menjadi penyebab untuk memasuki syurga.” Maka aku berkata, آمين. Seterusnya, ketika aku menaiki anak tangga Ketiga, Jibril

berkata, “Celakalah orang yang mendengar nama mu disebut tetapi ia tidak berselawat ke atas-Mu.” Maka aku berkata, آمين.

Sidang Jumaat yang dirahmati Allah sekalian,

Hadis ini menunjukkan bahawa di antara orang yang didoakan kecelakaan ialah individu yang tidak berbuat ihsan dan tidak berbakti kepada ibu bapanya. Kemuliaan ibu bapa juga telah dinyatakan melalui Surah al-Isra’ ayat 23 yang bermaksud:

"Dan Tuhanmu telah perintahkan, supaya engkau tidak menyembah melainkan kepada-Nya semata-mata, dan hendaklah engkau berbuat baik kepada ibu bapa. Jika salah seorang dari keduanya, atau kedua-duanya sekali, sampai kepada umur tua dalam jagaan dan peliharaanmu, maka janganlah engkau berkata kepada mereka (sebarang perkataan kasar) sekalipun perkataan "uff", dan janganlah engkau menengking; menyergah mereka, tetapi katakanlah kepada mereka perkataan yang mulia (yang bersopan santun)."

Begitu juga dengan sabda Rasulullah ﷺ yang berikut:

عَنْ عَبْدِ اللَّهِ بْنِ عَمْرٍو رضي الله عنهما، قَالَ: قَالَ رَسُولُ اللَّهِ ﷺ: رِضَا اللَّهِ فِي رِضَا الْوَالِدَيْنِ، وَسَخَطُ اللَّهِ فِي سَخَطِ الْوَالِدَيْنِ.

Maksudnya: “Daripada Abdullah bin ‘Amru ra, Rasulullah ﷺ bersabda, "Keredhaan Allah terletak pada keredhaan kedua

ibubapa dan kemurkaan Allah (juga) terletak pada kemurkaan kedua-duanya.”

Sidang Jumaat yang dirahmati Allah sekalian,

Sekiranya diamati, Al-Quran menggunakan kalimah ‘uff’ sebagai contoh ungkapan yang boleh menyinggung perasaan ibu bapa. Kenapa kalimah ‘uff’ dijadikan contoh? Penggunaan huruf ‘فاء’ menunjukkan bahawa Allah سبحانه وتعالى melarang manusia daripada menyakiti hati ibu bapa dengan selemah-lemah bunyi dan nada.”

Sebagai contoh, membuat bunyi ‘ah’ dan sebarang perbuatan untuk menzahirkan keenggan, ketidak-selesaan atau ketidakpuasan seorang anak terhadap sesuatu yang diminta untuk dilaksanakan. Kenyataan ini menunjukkan bahawa perbuatan menyinggung perasaan ibu bapa dengan kalimah yang lebih kasar dan kesat adalah haram dan suatu bentuk kebiadaban yang dilarang keras oleh Allah سبحانه وتعالى.

Sidang Muslimin yang dirahmati Allah sekalian,

Sesiapa pun yang dikurniakan kesempatan hidup bersama ibu bapa akan berhadapan dengan ujian dan cabaran untuk memenuhi tanggungjawab sebagai anak yang soleh dan cemerlang berbakti kepada mereka. Dalam erti kata lain, seorang anak hendaklah memenuhi keperluan yang asas dan

menyantuni hajat kedua-duanya terutama ketika mereka sudah lanjut usia dan tidak sihat.

Tatkala ini, ujian dalam bentuk wang ringgit, harta-benda, masa dan emosi merupakan elemen ujian utama yang pasti akan dilalui oleh setiap insan yang bergelar anak. Tegasnya, sebagai seorang anak yang telah membesar dewasa dan berjaya, tanggungjawab ini tidak wajar dilihat sebagai beban tetapi sepatutnya hendaklah disyukuri. Kehadiran mereka dalam kehidupan kita adalah anak kunci untuk membuka pintu syurga dan meraih keredhaan Allah سبحانه وتعالى.

Sidang Jumaat yang dimuliakan Allah,

Mimbar yakin, sidang jemaah yang telah mendirikan rumah tangga tentu mudah untuk memahami keperitan hidup seorang insan yang bergelar ibu atau ayah setelah merasai sendiri cabaran membesarkan anak-anak. Yang pasti tanpa pengorbanan ibu bapa, siapalah kita pada hari ini.

Seandainya manusia masih mengingat detik-detik indah berada dalam dakapan ibu dan ayah, dibelai dan dimanja walaupun penatnya belum hilang, bahagia melihat wajahnya menyukir senyuman walaupun tubuhnya kesakitan, sentiasa berusaha memberikan yang terbaik; sudah pasti tiada seorang anak pun yang akan mensia-siakan sedetik pun kehidupan insan yang bergelar ibu bapa. Mungkin inilah hikmah Allah memadam semua memori indah kita sewaktu kecil bersama ibu bapa untuk

menguji tahap keikhlasan dan darjah kebaktian seorang anak. Ini selari dengan pandangan Abu Laith as-Samarqandi dalam kitabnya:

“Seandainya haram menderhaka ibu bapa tidak disebut dalam al-Quran, sudah memadai akal manusia memahami tanggungjawab berkhidmat dan berbakti terhadap kedua-duanya.”

Muslim rahimakumullah,

Mengakhiri khutbah, suka khatib mengingatkan kepada jemaah yang masih mempunyai kedua-dua ibu bapa atau salah seorang daripada mereka untuk menunaikan tanggungjawab dan berbakti mengikut kemampuan masing-masing, antaranya seperti berikut:

Pertama: Bagi yang tinggal berjauhan, keraplah berhubung untuk bertanya khabar dan bagi yang mampu, huluskanlah bantuan kewangan walaupun mereka tidak memintanya.

Kedua: Bagi yang masih berada di alam persekolahan atau pengajian, belajumlah bersungguh-sungguh. Hapuskanlah penat lelah mereka dengan kejayaan anda dari sudut pencapaian ilmu dan berakhlak mulia.

Ketiga: Bagi individu yang pernah melalui layanan kurang baik daripada kedua ibu bapanya, ia bukan alasan untuk mengabaikan atau membalas dendam terhadap ibu bapa. Amat

dibimbangi, kelak anda pula diperlakukan dan dilayan sedemikian oleh cahaya mata sendiri. Tamatkanlah ia dengan kemaafan.

Moga-moga itu semua menjadi sebab, Allah سبحانه وتعالى membuka luas pintu rezeki dan membentangkan hamparan barakah serta redha-Nya kepada mereka yang memuliakan kedua-dua ibubapa. Banyak kejadian menunjukkan bahawa manusia yang mengabaikan ibu bapa akan merasai kesempitan hidup dari semua arah; sama ada di dunia mahupun di akhirat jika tidak kembali bertaubat kepada Allah سبحانه وتعالى.

أَعُوذُ بِاللَّهِ مِنَ الشَّيْطَانِ الرَّجِيمِ
وَأَعْبُدُوا اللَّهَ وَلَا تُشْرِكُوا بِهِ شَيْئًا وَبِالْوَالِدَيْنِ إِحْسَنًا وَبِذِي الْقُرْبَىٰ وَالْيَتَامَىٰ وَالْمَسْكِينِ
وَالْجَارِ ذِي الْقُرْبَىٰ وَالْجَارِ الْجُنُبِ وَالصَّاحِبِ بِالْجَنبِ وَابْنِ السَّبِيلِ وَمَا مَلَكَتْ أَيْمَانُكُمْ
إِنَّ اللَّهَ لَا يُحِبُّ مَن كَانَ مُخْتَالًا فَخُورًا ﴿٦١﴾

Maksudnya: *“Dan hendaklah kamu beribadat kepada Allah dan janganlah kamu sekutukan Dia dengan sesuatu apa jua dan hendaklah kamu berbuat baik kepada kedua ibu bapa dan kaum kerabat dan anak-anak yatim dan orang-orang miskin dan jiran tetangga yang dekat dan jiran tetangga yang jauh dan rakan sejawat dan orang musafir yang terlantar dan juga hamba yang kamu miliki. Sesungguhnya Allah tidak suka kepada orang-orang yang sombong takbur dan membangga-banggakan diri;”* ﴿سورة النساء﴾

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ
الْحَكِيمِ وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ الْعَلِيمُ وَاسْتَغْفِرُ اللَّهَ الْعَظِيمَ لِي
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ فَيَا فُوزَ
الْمُسْتَغْفِرِينَ وَيَا نَجَاةَ التَّائِبِينَ.



Khutbah Kedua Terkini

(Bermula 24 September 2021)

أَلْحَمْدُ لِلَّهِ رَبِّ الْعَالَمِينَ، وَالصَّلَاةُ وَالسَّلَامُ عَلَى سَيِّدِنَا مُحَمَّدٍ النَّبِيِّ الْأَمِينِ، وَعَلَى
آلِهِ وَأَصْحَابِهِ الطَّاهِرِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ حَقَّ تُقَاتِهِ وَاعْلَمُوا أَنَّ اللَّهَ أَمَرَكُمْ بِأَمْرِ عَظِيمٍ، أَمَرَكُمْ
بِالصَّلَاةِ وَالتَّسْلِيمِ عَلَى نَبِيِّهِ الْكَرِيمِ، فَقَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى
النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

اللَّهُمَّ صَلِّ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ، كَمَا صَلَّيْتَ عَلَى سَيِّدِنَا
إِبْرَاهِيمَ وَعَلَى آلِ سَيِّدِنَا إِبْرَاهِيمَ وَبَارِكْ عَلَى سَيِّدِنَا مُحَمَّدٍ وَعَلَى آلِ سَيِّدِنَا مُحَمَّدٍ،
كَمَا بَارَكْتَ عَلَى سَيِّدِنَا إِبْرَاهِيمَ وَعَلَى آلِ سَيِّدِنَا إِبْرَاهِيمَ فِي الْعَالَمِينَ إِنَّكَ حَمِيدٌ
مَجِيدٌ.

وَارْضَ اللَّهُمَّ عَنِ الْخُلَفَاءِ الرَّاشِدِينَ وَعَنْ بَقِيَّةِ الصَّحَابَةِ أَجْمَعِينَ، وَعَنْ التَّابِعِينَ
وَتَابِعِي التَّابِعِينَ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ وَارْضَ عَنَّا مَعَهُمْ يَا أَكْرَمَ
الْأَكْرَمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ،

اللَّهُمَّ آمِنَّا فِي أَوْطَانِنَا وَأَصْلِحْ أَيْمَتَنَا وَوُلَاةَ أُمُورِنَا وَاشْمَلِ اللَّهُمَّ بِعِنَايَتِكَ وَتَوْفِيقِكَ
عَلَى صَاحِبِ الْجَلَالَةِ،

Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ

Duli Yang Maha Mulia Sultan Nazrin Muizzuddin Shah Ibni Almarhum Sultan Azlan Muhibbuddin Shah Al-Maghfurlah, Timbalan Yang di-Pertuan Agong dan Duli Yang Maha Mulia Raja Permaisuri Perak Darul Ridzuan, Tuanku Zara Salim;

وَصَاحِبِ الْفَخَامَةِ

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ اكْشِفْ عَنَّا أَلْبَاءَ وَالْوَبَاءَ وَالْغَلَاءَ وَالْفَحْشَاءَ وَالْمُنْكَرَ وَالْمِحْنَ وَالْفِتْنَ، مَا ظَهَرَ مِنْهَا وَمَا بَطَنَ، عَن بَلَدِنَا هَذَا خَاصَّةً، وَعَن بُلْدَانِ الْمُسْلِمِينَ عَامَّةً، إِنَّكَ عَلَى كُلِّ شَيْءٍ قَدِيرٌ.

اللَّهُمَّ إِنَّا نَعُوذُ بِكَ مِنَ الْبَرَصِ، وَالْجُنُونِ، وَالْجُدَامِ، وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

يا الله، دغن صفة مويغ مها فموره دان مها مندغر، كامي همبامويغ لمه مريو كقدامو اكر اغكاواغكت دان هيلغن سكر وابق قپاكت Covid-19 يغ سدغ ملندا كامي اكر دافت كامي ملقسانكن شِعَارْمُو دغن سمفورنا. يا الله، جاديكنله كامي دان كتورونن كامي اورغ ۲ يغ إِسْتِقَامَةُ منديريكن صلاة سچارا برجماعه سرتا مغلواركن زكاة دان ملقسناكن وَقَفْ. رحمتيله كهيدوفن كامي. سسوغكوهش هاش كقدمو جوا يا الله، دعاء كامي موهون دفركنن دان دتريما.

اللَّهُمَّ قَوِّ إِيْمَانَنَا، وَوَحِّدْ صُفُوفَنَا، وَاجْمَعْ قُلُوبَنَا عَلَى مَحَبَّتِكَ، وَتَعَاهَدَتْ عَلَى نُصْرَةِ
شَرِيعَتِكَ، بِرَحْمَتِكَ يَا أَرْحَمَ الرَّاحِمِينَ.

سُبْحَانَ رَبِّكَ رَبِّ الْعِزَّةِ عَمَّا يَصِفُونَ، وَسَلَامٌ عَلَى الْمُرْسَلِينَ، وَالْحَمْدُ لِلَّهِ رَبِّ الْعَالَمِينَ.
(سورة الصافات)